

ARRESTS DE LA COVR DE PARLEMENT.

PORTANT REGLEMENT
entre les Iuges Royaux & Subalternes.



A PARIS,

Chez PIERRE DES-HAYES, de-
meurant rue du foin au Miroir.

M. DC. XXII.


THE NEWBERRY
LIBRARY

Case

39

324

1622 frg



EXTRAICT

DES REGISTRES

de Parlement.



N^{TRE} François Petit-pere &
 Sainte du Bois sa femme, &
 Sebastienne Boucher vefue de
 Iean Roisneau demeurant à
 Bonne, appellans de deux Sentences &
 iugemens donnez par le Bailly d'Estam-
 pes ou son Lieutenant, le vingt-troisiesme
 Aoust mil six cens dix-huict d'une part,
 Et Louyse le Feure vefue, Claude Des-
 champs, & Nicolle Deschamps sa fille,
 intimez d'autre; Sans que les qualitez
 puissent preiudicier aux parties. A PRES
 que le Rahier pour les appellans, a dit
 que son appel est d'une sentence rendue
 par le Bailly d'Estampes, qui a cassé tout
 ce qu'a fait le Preuost de Bonne, qui n'est
 capable de iuger pour n'auoir fait le ser-
 ment au Iuge d'Estampes quant il a esté
 receu, & qu'il y auoit vne denonciation


generale cōtre luy: conclud en son appel,
 a ce qu'il soit dit qu'il a esté mal iugé; En
 emendant, que les parties seront ren-
 uoyées par deuant le Preuost de Bonne,
 & que Beau-lieu pour les intimees a dit:
 Que le Iuge de Bonne n'a point faict de
 serment comme il est accoustumé: Le
 Bret pour le Procureur General du Roy
 a dit, Que l'appel est de la sentence du
 Bailly d'Estampes, Par laquelle sur le re-
 quisitoire de leur Substitut, il a cassé
 tout ce qui auoit esté entre les parties
 par deuant le Preuost de Bonne: Sur ce
 qu'on pretend qu'il n'a point faict le ser-
 ment par deuant le Bailly d'Estampes:
 C'est vne question, si les Iuges Subalter-
 nes doiuent faire le serment aux Iuges
 Royaux, à quoy faire ils ne sont tenus, &
 suffit qu'ils facent le serment deuant le
 Seigneur de la Iustice. On dit que le Pre-
 uost a esté deferé en termes generaux: ce
 que le Iuge d'Estampes a faict, n'est que
 pour attirer à luy la pratique; Auoient dit
 aux Aduocats qu'il y auoit lieu mettre
 l'appellation & ce, & condamner les in-
 timez aux despens taxez à quelque som-
 me. LA COYR a mis & met l'appella-
 tion & ce dont a esté appellé au neant, a

renuoyé & renuoye les parties, charges
& informations à quinzaine, par deuant
le Preuost de Bonne, pour proceder en-
tre les parties ainsi que de raison, despens
reseruez. Fait en Parlement, le troisieme
Aoust mil six cens dix-neuf.

Signé,

VOISIN.

*AUTRE EXTRAICT DES
Registres du Parlement.*

 O V Y S par la grace de Dieu,
Roy de France & de Nauarre.
Au premier des Huissiers de
nostre Cour de Parlement ou
autre nos Sergent; Salut. Comme le iour
datté des prentes, comparus en nostre-
dite Cour Antoine de Valory, Escuyer
sieur de d'Estilly, prenant la cause pour
Maistre Philippe Perroteau son Senes-
chal audit lieu de d'Estilly, appellant de
trois iugemens donnez par le Bailly de
Touraine ou son Lieutenant à Chinon,
l'vn du huietiesme Ianuier mil six cens
vingt. Par lequel a esté ordonné que le-

dit Perroteau representeta les capacitez,
 & les cōmuniquera au Substitut de no-
 stre Procureur general audit Chinon de-
 dans quinzaine, & a luy defendu iusques
 à ce, d'exercer ladite charge de Seneschal
 de d'Estilly à peine de nullité & defaux.
 L'autre du quinzième desdits mois &
 an: Par lequel est ordonné que ledit Per-
 roteau communiquera audit Substitut,
 l'acte de sa reception audit office de Se-
 neschal de d'Estilly, & cependant que les
 defences cy-deuant iugees tiendront:
 Outre que ledit sieur de d'Estilly fera si
 bon luy semble, exercer sa Iurisdiction
 par personnes graduez, iusques à ce qu'il
 en ayt esté autrement ordonné entre les-
 dits Perroteau & Substitut de nostre dit
 Procureur general. La troisieme desdits
 mois & an: Par lequel est encores ordon-
 né que les defences cy-deuant faictes au-
 dit Perroteau tiendront: & outre qu'il ne
 pourra tenir la Iurisdiction audit lieu de
 d'Estilly, sinon en informant de ses capa-
 citez, se faisant recevoir & prestant le ser-
 ment au siege à peine de nullité & defaux
 & de tout ce qui s'en est ensuiuy d'une
 part. Et nostre Procureur general pre-
 nant la cause pour son Substitut audit

Chinon d'autre, ou les Procureurs des parties & ayt esté appointé que. NOSTRE-DITE COVR a mis & met les appellations, & ce dont a esté appellé au neant: En emendant a ordonné & ordonne que l'appellant fera continuer l'exercice de la Jurisdiction qu'il a audit lieu de d'Estilly, ainsi qu'il faisoit auparavant lesdites sentences sans despens. S' TE MANDONS à la requeste dudit appellant, mettre ces présentes à deuë & entiers execution selon sa forme & teneur. De ce faire te donnons pouuoir, & commandons à tous d'y obeyr. DONNE' à Paris en nostre Parlement le dix-huitiesme iour de May, l'an de grace mil six cens vingt. Et de nostre regne l'vnziesme.

Par la Chambre.

Signé,

GALLARD.

Handwritten text, likely bleed-through from the reverse side of the page. The text is arranged in approximately 15 lines and is mostly illegible due to fading and the texture of the paper.

For Charles

Gallard